



partii naleraq

Nuuk 9. oktober 2018
UKA2018/11
Pele Broberg Partii Naleraq

2017-imut Nunatta Karsiata naatsorsuutaasa akuersissutigineqarnissaannik siunnersuut.
(Aningaasaqarnermut Naalakkersuisoq)

Siullermeernera

Partii Naleqqamiit 2017-imut Nunatta Karsiata naatsorsuutai naatsumik oqaasertalerusuppavut. Ukiut tamaviisa Inatsisartut Aningaasaqarnermut Inatsisissamik akuersisarput. Inatsisitigut aningaasat atorineqarnissaat qulakkeerniarlugu.

Ukiuni kingullerni pingasuni Ingerlatsineq, Sanaartorneq Taarsigassarsiarititallu aamma Ingerlatsineq, Sanaartorneq sinneqartoortarsimapput, nikingasoorutit ilaatigut 300 million koruunit sinnertarlugit.

Isertitat nunatta karsianut annerusut kingunerisaattut sinneqartoorneq imminermunit ajunngilaq, takutippaali inuiaqatigiit ullumikkut atugassarititaat iluani periarfissat tamakkiisut atorineqanngitsut.

Partii Naleqqamit maluginiannngitsuunngilarput akileraarutit akitsuutillu 100 million koruuninik annerusimasut. Tassani annerpaartaa Namminersorlutik Oqartussat suliffeqarfiit pigisaasa ingerlatsiviit isertitaminnit akileraarutaasigut akiliutigisimallugu.

Apeqqutigerusupparpullu piffissanngunginnersoq taakku suliffeqarfiit sinneqartoortarneri millissassallugit, inuiaqatigiinnut pisisinnaassuseq annertusarniarlugu.

Taamatut oqaasertalerlugu Partii Naleqqamit 2017-imut Nunatta Karsiata naatsorsuutai, Kukkuersiunerimut Ataatsimiititaliamut innersuuppavut suliareqqitassanngorlugit.